

Dilanti mayornan y famia orguyoso

Demostracion di e tres grupo di Formacion Social na Mariniers Kazerne

ORANJESTAD (AAN): E proyecto Formacion Social a cuminsa cu su di tres grupo di hoben dia 7 di januari di e aña aki. Despues di tres siman di training intensivo na Marinierskazerne, mayornan y famia a wordo invita pa pasa na Kazerne y mira tur loke e hobennan a siña te awor. Un total di 19 hoben ta forma parti di e di tres grupo di Formacion Social.

Diahuebs 24 di januari Capitan Cedrick Werleman a yama e invitadonan bon bini na Kazerne. Pa despues duna un splicacion di e training cu e hobennan ta hayando, poniendo enfasis riba e parti di disciplina, structura y respet. Norma y balornan ta halto riba e programa di Formacion Social. Bureau Sociale Vorming y Arumil a wordo gradici pa Capitan Werleman pa nan aporte.

Jessy Ras, lider di e proyecto Formacion Social tambe a hiba palabra. El a duna un splicacion di e dos fase di e proyecto cu ta e parti di educacion y stage. Jessy Ras a gradici e team cu ta trahando cu e hobennan pa su esfuerso. "Mi ta mira akiden hobennan motiva y esey pa mi ta un bon señal. Un señal cu hunto nos ta haciendo algo bon".

Ras a pone hopi atencion riba e rol importante cu famia ta hunga. E nucleo familiar ta clave den un proyecto asina. Mescos cu e team cu ta guia e hobennan den e proceso, e famia mester sigui encurasha nan pa sigui riba e caminda cu nan a scoge pa cana. "Ya caba mi ta mira e cambio riba cara di e hobennan. Nos ta riba e bon caminda", Jessy a bisa.

Despues a sigui e parti di demostracion. Un hoben a marcha bin dilanti y duna un splicacion tocante e forma



di marcha y e posicion cu mester tuma. E invitadonan a haya un demostracion di loke camuflahe ta encera. Dos hoben a demostra esaki den un mata. Dos otro hoben a duna un splicacion di e cuminda cu nan ta hiba ora nan bay mondi. Cada un ta haya un cahita cu cuminda cu mester wanta nan 24 ora. Nan a pasa rond cu e contenido di e cahita y laga tur presente purba algo. Un otro hoben a haci un demostracion con nan ta cushina den mondi. Despues di tur esaki tabatin oportunidad pa haci pregunta na e team y tambe na e hobennan. Mayornan a haya e oportunidad pa tira un bista den camber di nan yiu.

E hobennan, despues di a haci e luga limpi, por a bay cas cu nan mayor of familiar pa diadomingo raporta bek na kazerne

pa sigui cu e proyecto.

Durante e discurso y e demostracion por a nota e orguyo, alegria y emocion riba cara di e mayornan y demas famia. Formacion Social ta un proyecto di Ministerio di Asuntunan General den cooperacion cu Ministerio di Defensa Hulandes.

Activa
TRADING N.V.

SCHERPSTRAAT 58
TEL: 582-5513 FAX: 583-6446
ORARIO:

DIALUNA-DIABIerna: 8:00-12:30 Y 2:00 - 5:30
DIASABRA: 9:00-1:00

PREPARA PA CUALKIER OBSTACULO



AWG
19.499,-

KYMCO

KYMCO MXU 500

- 499cc SOHC 4 Valve Liquid Cooled
- CVT Automatic/Differential Lock
- 2WD/4WD Fuzzy Shaft
- Releasable Passenger Seat
- Digital Instrument Panel

ACTIVA TRADING TA OFRECE E MIHO PRIJS, CALIDAD Y SERVICIO

Body Magic

Hooiberg 22D • Tel: 585-3004

- * Faha lipoescultura den tur size
 - * Alcachofa en gotas
 - * Tratamiento reductor
- 12 secciones**

* Plan de alimentacion
Afl.275,-

Consulta Gratis! Yama pa bo cita.

